

Beurer HK 58

Električni jastuci

Uputstvo za upotrebu

Opis simbola



Pročitati napomene!



Deku ni slučajno koristiti u savijenom stanju!



Ni slučajno stavljati igle ili oštre predmete u poddeku!



Materijali korišteni u ovom uređaju zadovoljavaju visoke ekološke zahtjeve Öko-Text standarda 100, što je dokazano u istraživačkom institutu Hohenstein.

Poštovani kupci,

Radujemo se što ste se odlučili za jedan proizvod iz našeg asortimana. Mi stojimo iza kvalitetnih i ispitanih proizvoda sa polja toplote, blage terapije, masažera, mjerenja težine, krvnog pritiska, tjelesne temperature, pulsa i zraka.

Molimo da ova uputstva pažljivo pročitate, sačuvate ih za kasniju upotrebu i učinite ih dostupnim trećim licima i poštujuete upozorenja.

Srdačni pozdravi,
Vaš Beurer tim

Obim isporuke: 1 električni jastuk, 1 šalter, 1 prevlaka, ovo uputstvo


1. Šalter

1 šalter

2 klizni prekidač (uključeno = I / isključeno = 0)

3 prikaz nivoa temperature

4 tipke za podešavanje nivoa temperature



2. Važne sigurnosne napomene – pažljivo pročitati i sačuvati za kasniju u potrebu

Nepoštivanje slijedećih napomena može prouzrokovati ozljede ili oštećenja na uređaju (strujni udar, opekotine, požar). Slijedeće sigurnosne napomene i upozorenja od opasnosti služe ne samo zaštiti Vašeg zdravlja odnosno zdravlja trećih, već i zaštiti proizvoda. Zbog toga poštujuete sigurnosne napomene.

- Električni jastuk koristite samo u svrhe opisane u ovom uputstvu.
- Električni jastuk nije namijenjen za korištenje u bolnicama.
- Električni jastuk ne smiju koristiti osobe (uključujući i djecu) sa ograničenim fizičkim, osjetilnim i mentalnim sposobnostima ili manjkom iskustva i/ili znanja osim ako ih nadgleda osoba odgovorna za njihovu sigurnost.
- Električni jastuk nemojte koristiti na nemoćnim i osobama neosjetljivim na toplotu i maloj djeci.
- Predugo korištenje bez pauza može prouzrokovati opekotine na koži.
- Pažnja! Ni u kojem slučaju nemojte zaspati dok koristite ovaj električni jastuk.
- Električni jastuk nemojte koristiti na dijelovima tijela koji su upaljeni, povrijeđeni ili oteklili. Ukoliko sumnjate molimo da pitate liječnika.
- Električna i magnetska polja, koja proizilaze iz ovog proizvoda, mogu ometati rad Vašeg pejsmejkera. Ali vrijednosti ovih polja su daleko ispod graničnih vrijednosti: snaga električnog polja: max. 5000 V/m, snaga magnetskog polja: max. 80 A/m, gustoća magnetskog toka: maksimalno 0.1 mili -Tesla. Stoga se prije korištenja ovog proizvoda obratite svom doktoru ili proizvođaču.
- Ovaj električni jastuk:
 - Priključiti samo na onaj napon naveden na uređaju;
 - HK 25, 35, 63: uključiti samo pomoću šaltera navedenog na etiketi proizvoda;
 - Električni jastuk ne smije biti upaljen bez nadzora;
 - Nemojte koristiti u savijenom stanju;
 - Nemojte stiskati ili priklještavati;
 - Nemojte oštro savijati;
 - Nemojte koristiti na životinjama;
 - Nemojte koristiti u vlažnom stanju;
- Električni dijelovi u šalteru ovog jastuka blago zagrijavaju šalter za vrijeme rada. Zbog toga, šalter ne smije biti prekriven ili postavljen na jastuk kada je uključen.
- Nemojte vući za kabal ili ga savijati.
- Nemojte ubadati igle ili oštre predmete u električni jastuk.
- Ovaj električni jastuk ne smiju koristiti djeca osim ako su prekidač prethodno podesili roditelji ili nadzorna osoba ili su djetetu date upute kako da koristi električni jastuk.
- Djecu treba nadgledati kako se ne bi igrala sa jastukom.
- Električni jastuk trebate provjeriti na moguća oštećenja ili istrošenost. Ukoliko pronađete oštećenja ili je ovaj uređaj korišten nepropisno, onda ga prije ponovne upotrebe trebate odnijeti proizvođaču ili ovlaštenom trgovcu.
- Popravke smiju provoditi stručna lica ili ovlašteni servisi, jer je za popravku potreban poseban alat. Nestručnom popravkom može doći do opasnosti po korisnika.
- Ukoliko imate dodatnih pitanja vezano za korištenje ovog uređaja, molimo da se obratite našem servisu za kupce ili ovlaštenom trgovcu.



3. Upotreba prema svrsi namjene

Ovaj električni jastuk namijenjen je za zagrijavanje čovječijeg tijela. Na ovaj način toplotu možete ciljano upotrijebiti. Toplota potiče cirkulaciju i opušta mišiće. Jastuk nije namijenjen za korištenje u bolnicama ili za komercijalne svrhe. Ovim električnim jastukom se ne smiju zagrijavati dojenčad, mala djeca, osobe neosjetljive na toplotu ili nemoćne osobe i životinje.

Naši električni jastuci izrađeni su od prozračnog mikro runa i prilagodljivi su na koži. Mogu se koristiti i bez tekstilne prevlake. Zahvaljujući odvojevom prekidaču, ovi jastuci se mogu prati u mašini za veš. (vidi upute za čišćenje). Kako bi spriječili onečišćenje ili kvarove na jastuku, preporučujemo da ga koristite samo sa tekstilnom prevlakom, a pogotovo ako koristite eterična ulja ili meleme. Kod prve primjene moguće je da se razvije miris plastike, ali nakon određenog vremena on se gubi.


4. Rukovanje

4.1 Sigurnosni sistem

Ovaj električni jastuk ima SIGURNOSNI SISTEM. Ova elektronska senzor tehnologija sprječava pregrijavanje jastuka na cijeloj njegovoj površini i to putem automatskog isključivanja u slučaju neke greške. Ukoliko zbog greške dođe do automatskog isključivanja električnog jastuka, na prekidaču ne svijetli prikaz nivoa temperature čak i ako je jastuk uključen. Imajte na umu da nakon ovakvog slučaja električni jastuk iz sigurnosnih razloga ne možete upaliti i isti trebate odnijeti u servis za kupce ili kod ovlaštenog trgovca.

4.2 Rad

Ponajprije provjerite da li je šalter spojen sa jastukom preko utičnog spajanja. Sada utikač uključite u struju. Električni jastuk uključite pomoću kliznog šaltera (2) na desnoj strani (vidi sliku).



4.3 Temperatura

Najbrže zagrijavanje električnog jastuka postićete tako što podesite zagrijavanje na najvišu temperaturu. Kasnije možete smanjiti temperaturu po potrebi.

Za povećavanje temperature pritisnite Δ -tipka 4. Za smanjenje temperature pritisnite ∇ -tipka 4. Za dužu primjenu električnog jastuka bez pauza preporučujemo da podesite temperaturu na najniži nivo.

4.4 Nivoi temperature

Nivoi: 0 = isključeno
1 = minimalno zagrijavanje
2-5 = individualno zagrijavanje
6 = maksimalno zagrijavanje

4.5 Automatsko isključivanje

Električni jastuk se automatski gasi nakon cca. 90 minuta. Prikaz nivoa temperature počinje da treperi. Kako bi ponovo upalili električni jastuk, ponajprije isključite jastuk (pozicija „0“) pomoću kliznog šaltera (2). Nakon 5 sekundi ponovo upalite jastuk.

Električni jastuk ugasisite (nivo „0“) ili isključite iz struje ukoliko ga nakon isteka vremena više nećete koristiti.



4.6 Brzo zagrijavanje


Ovaj električni jastuk ima funkciju brzog zagrijavanja, koje omogućava brzo zagrijavanje u roku od prvih 10 minuta.



4.7 Dodatne napomene o HK 58 Cosy

Poseban oblik ovog jastuka razvijen je specijalno za područje leđa i vrata. Električni jastuk postavite tako na leđa da čičak bude oko područja vrata. Nakon toga zalijepite čičak. Sada podesite dužinu pojasa oko stomaka i zatvorite ga.

Za otvaranje pojasa oko stomaka, istovremeno pritisite na bočne strane zakačke (vidi sliku).



5. Čišćenje i održavanje

Prije čišćenja električnog jastuka isključite utikač iz struje i odvojite utično spajanje iz jastuka. Tekstilnu prevlaku možete čistiti prema simbolima na etiketi i u tu svrhu je morati skinuti. Manje mrlje možete očistiti krpom ili vlažnom spužvom sa eventualno nešto sredstva za čišćenje. Imajte na umu da sam jastuk ne smijete centrifugirati, sušiti u sušilici, čistiti u hemijskoj čistionici ili peglati.

Prije pranja u mašini, jastuk isključite iz struje i odvojite šalter od jastuka. Jastuk perite na temperaturi od 30°C. Iz ekoloških razloga preporučujemo Vam da jastuk perete zajedno sa drugim stvarima. Koristite fini deterdžent i dozirajte ga prema uputama proizvođača.

Imajte na umu da se čestim pranjem jastuk troši. Zato preporučujemo da jastuk za cijelog njegovog vijeka trajanja perete maksimalno 10 puta u mašini za veš.

Jastuk nemojte vješati na štrik. Nemojte ga paliti da ga na taj način osušite! Ovaj električni jastuk koristite tek onda, kada se uvjerite da je u potpunosti suh.

6. Čuvanje

Ako ovaj električni jastuk duže vrijeme ne koristite, preporučujemo da ga stavite u originalnu ambalažu i spremite je na suho mjesto. Nemojte stavljati predmete na jastuk.

Prije nego jastuk spremite, ostavite ga da se dobro ohladi.